

海寧王靜安先生遺書

三十五

臺灣省立美術館藏

1999

兩浙古刊本考卷下

海甯 王國維

嘉興府刊板

林至易裨傳二卷

至正四年

先生字德久宋淳熙釋褐魁官至祕書登晦庵先生之門松江府人事載郡乘是書乃庸田使康公出授士子今太守劉公命鋟嘉興郡學傳示學者云至正四年十月朔日識

韓詩外傳十卷

至正十五年

錢惟善序海岱劉侯貞來守嘉禾聽政之暇因以其先君子節齋先生手鈔所藏諸書悉刊置郡庠期與四方之士共之

大戴禮記十三卷

至元三十一年

鄭元祐序海岱劉公庭幹以中朝貴官出為嘉興路總管政

平訟理發其先府君御史節齋先生所藏書刊諸梓寘之學
大戴禮其一也

禮部韻略釋疑五卷

嘉熙

內閣書目是編嘉熙間四明余天任曾刊于嘉禾郡齋

案此卽歐陽德隆之押韻釋疑五卷常熟瞿氏藏宋刊本每
半葉十行行大字不等小二十五字

韻補五卷

陳鳳梧序韻補嘉興舊有刻板

河防通議二卷

至元四年

六府三事允治禹功莫大焉猶幸其書之存而可考也僉憲
瞻公得之講求修齊治平之暇取金宋河防通議一書合而
訂正之可謂有用之寔學僕貳郡真定嘗得而推行之茲來
嘉禾鋟梓於學以廣其傳三吳水利能取則焉則是編又豈

止於防河而已哉至元四年戊寅望日亞中大夫嘉興路總管兼管內勸農事□元昇跋

呂氏春秋二十六卷

至元三十一年

鄭元祐序節齋先生不樂仕僅以監察御史終仕不究德而始發於其子嘉興公嘉興公以文儒起家敷歷朝著出為嘉興路總管念其家所藏書皆節軒先生所手校於是出其一二以刊於嘉禾之學宮與學者共而呂氏春秋其一也既刊版乃俾元祐為之序御史公海岱人諱克誠字居敬累贈至禮部尚書嘉興公名貞字庭榦由嘉興擢授海道都漕運萬戶云

嘉興路儒學教授陳泰校吳興謝盛之刊

在卷末

每半葉十行行二十字

通鑑紀事本末四十二卷

寶祐丁巳

趙與憲序嚴陵舊本字小且訛乃易為大書精加讎校以私
錢重刊之非特便老眼訓子弟庶與四方朋友共之

寶祐
丁巳

陳良弼序節齋刻板後束之高閣者四十餘年其孫明安過
嘉禾學宮出所藏書板見示因白御史宋公一齋僉憲鄧公
善之以中統鈔七十五定價之真之學宮因書得板顛末於
節齋序後

延祐
六年

案此板明初入南監每半葉十一行每行十九字

鄂公金陀粹編二十八卷

嘉定十
一年

自序珂試守樞李之明年始刻家世籲天之書於郡塾即漢
制佩章之義粹五編為一命之曰金陀

嘉定著雍
攝提格歲

戴洙後序岳鄂忠武王之孫有名珂者彙集王之豐功茂績
著為金陀粹編凡若干卷其板舊刊之嘉禾歲久板脫壞無
存其文藏諸民間者又遺闕而無全書宥府經歷朱君佑之

乃為之徧求四方得其殘篇斷簡參互攷訂合其次第始克成書復得續集五卷於平江蓋江西本也通為原缺三字比前尤詳於是將刻梓於平章相國大新祠字之後郎中陳君初庵為之序

海鹽澉水志八卷

寶祐四年

紹定三年鎮尹羅儀甫屬余撰澉水志雖一時編集大略而儀甫滿去竟弗暇聞逾七八政越歲既久訂正尤詳因見邊孫君來此聽訟優長遇事練熟雖鎮場廢毀非疇曩比然能公謹廉敏明燭隱幽才幹有餘趁辦自足爰割已俸售募鐫行水軍袁統制聞而喟然曰是書不刊於鎮稅全盛之時乃刊於鎮稅凋敝之後甚可嘉已銳捐梓料肅贊其成噫元和郡縣志丞相李吉甫所制也後三百餘年待制張公始刻於襄陽今余所編澉水志後二十七禩權鎮孫君即鏤於時阜

則是書之遇知音不又大可慶耶竹窗常棠

至元嘉禾志三十二卷

至元二十五年

唐天麟序宋嘉定甲戌郡守岳侯珂悼前聞之遺闕嘗命鄉先輩關表卿拭任行人子羽之事編稿將上而岳侯去鄉論惜之越六十三載皇帝撫有江南寸天尺地無一不入版圖內迺至元甲申克齊單公來佐郡幕公餘過從輒清談竟日遂創議檄委郡博士徐君碩重加修纂君承命惟謹網羅散失抉剔幽眇攷古訂今裒集會粹曩之為卷者五今之為卷者三十有二曩之為門者二十有五今之為門者四十有三彪分明列此志得為全書徐君之用功亦勞矣編成而萊山劉侯傑寔來一日噦鸞莅泮路推良佐瞿公汝弼以是白侯侯退而稔於同列同列亦喜亟命工刻之梓

至元著雍困敦

魏邦錄十五卷

楹書隅錄每半葉九行行十七字余家藏嘉興刊柳柳州集
與此本正同其行款字數及板心所記刻工若曹冠宗曹冠
英王顯諸姓名與此多合

案此亦岳倦翁守嘉興時所刊楊錄以為嘉定甲戌姑蘇鄭
定刊于嘉興者非是

唐陸宣公集二十二卷

至大四年

厲一鶚序郡學舊有奏議制誥凡二十二卷歷歲幾二百盱
眈王公子中來守是邦復念此書字畫漫舛特甚乃以推官

胡公德修家藏善本詳加讎正重新刊梓以幸多士

至大辛亥

至大辛亥秋教官厲心齋奉總管王公子中命重新繡梓詳
加校訂任其責者學正四明陳沆學錄毗陵蔣膺孫路掾廬
陵易偉也監督直學張天祐馬天祺學吏程泰孫施去非
每半葉十行行十七字

添注重校音辨唐柳先生文集四十五卷外集二卷

直齋書錄解題姑蘇鄭定刊於嘉興以諸家所注輯為一編
曰集注曰補注曰章曰孫曰韓曰張曰童氏而皆不著其名
其曰重校曰添注則其所附益也

每半葉九行行十七字聊城楊氏有此書刻工姓名與愧郈
錄同

節孝先生集三十卷

許及之節孝語錄跋嘉禾已刊先生文集

乾道
乙丑

王夬亨淮安本文集序節孝先生文集山陽舊板燬於兵火
四世孫坦家藏嘉禾墨本字畫磨舛先後失序

滿祐
庚戌

靜修先生文集三十卷

至正
九年

皇帝聖旨裏江南浙西道肅政廉訪司准本道僉事哈刺那
海儒林牒嘗謂國有名賢幸遺言之未泯職司風紀惟見義

則必為切覲故徵士集賢學士嘉議大夫贈翰林學士資德
大夫追封容城郡公謚文靖靜修先生劉因負卓越之才蘊
高明之學說經奚止於疏義為文務去乎陳言行必期於古
人事每論乎三代漢唐諸子莫之或先周邵正傳庶乎可繼
戶外之屨常滿丘園之帛屢來咸虛往而實歸竟深居而簡
出雖立朝不踰於數月而清節可表於千年慨想高風旣已
廉頑而立懦訪求故藁所當微顯而闡幽考諸學官或文有
可采或事有可錄皆得鉅梓以傳況先生詩文大闢世教豈
容獨缺今抄錄詩文附錄共三十卷於各路錢糧多處刊行
傳布則上可以裨國家之風化下可以為學者之範模牒請
照驗施行准此憲司今將上項文集九本隨此發去合行故
牒可照驗依上施行須至牒者 牒件今牒嘉興路總管府
照驗故牒至正九年九月十一日

秋澗先生大全文集一百卷

至治二年

皇帝聖旨裏中書省御史臺呈據監察御史呈切見故翰林學士秋澗王文定公文才博雅識見老成廼中州之名士也項在翰林暨居臺察觀其因事匡時立言傳世未嘗不以致君澤民為心端本澄源是務進呈承華事略蒙裕宗皇帝嘉納諸皇孫傳觀宏益良多近日又蒙聖上特命張司農等再行繪寫以賜東宮若非深有可取豈能如是哉即係兩朝御覽珍重文集又有元貞守成事鑑中堂事記烏臺筆補玉堂嘉話並其餘雜著光明正大雅健雄深皆出於仁義道德之與裨益政務有關風教足為一代之偉觀故追贈制詞有云觀其遺書蓋抱經綸之志詢夫成迹豈徒黼黻之才惟先朝菁蔡之是稽繫後生斗山之所仰其子太常禮儀司直公孺編類成書計一百卷字幾百萬家貧不能播刊無以副中外

願見之心翰林國史院已嘗為言未蒙定奪若依祕書少監楊桓六書統郝奉使文集例具呈都省移咨江浙或江西行省於學田子粒錢內刊行昭布諸路學校以示後進非惟儒風有所感激實彰聖朝崇儒之盛事也具呈照詳得此送據禮部呈照到郝文忠公例著述陵川文集十八冊三國志三十冊已經具呈都省於江南行省所轄儒學錢糧多處就使刊行去訖本部議得翰林學士王秋澗文集合准監察御史所言比依郝文忠公例移咨江浙行省有儒學錢糧內便就刊行相應具呈照詳得此照得郝文忠公文集已咨江西行省委官提調如法刊畢各印二十部裝褙完備咨來云訖今據見呈今將秋澗王文定公文集隨此發去都省合應移咨請照驗依上施行須至咨者右咨江浙行中書省

延祐庚申八月太守伯常王侯以王公大全文集俾本學錄

梓時衆以禾庠廩粟有限議欲均派諸役王侯謂應龍曰刊印文集出於上命學校當委曲任之以副朝廷崇尚文雅嘉惠後學之意雖重費容何傷屬應龍計料分類篇目為一百卷命儒生繕寫刊刻工未及竟而王侯遷廣東廉使凜乎其不可留也辛酉九月本道分司盧簽憲到路適會公之長孫赴福建簽事道由嘉禾議論翕合遂委本路治中壽之高侯專一提調高侯舊參省幕聲譽夙著視刊匠不滿十人慮以遷延歲月為病洊申省府取發工匠鄰郡不旋踵而至者二十餘人併工相而成之繇是賴以完備役繁費殷良不易也時至治壬戌春孟嘉禾郡文學掾晚學羅應龍謹書集後右計其工役始於至治辛酉三月畢於至治壬戌正月

嘉興路司吏楊恢監督嘉興路儒學學錄余元第董工前蘭溪州州判唐泳涯校正

每半葉十二行行二十字

文心雕龍十卷

至正十五年

讀書敏求記此書至正乙未刊於嘉禾

白石道人歌曲四卷別集一卷

嘉禾二年

歌曲特文人餘事耳或者少諧音律白石留心學古有志雅樂如會要所載奉常所錄未能盡見也聲文之美概具此編嘉泰壬戌刻於雲間之東巖其家轉徙自隨珍藏者五十載淳祐辛亥復歸嘉禾郡齋千歲令威夫豈偶然因筆之以識歲月端午日菊坡趙與峕書

湖州府刊板

論語集說十卷

滿祐六年

姜文龍序刊是書於湖類

滿祐六年

唐書二百二十五卷

五代史記七十四卷

唐書糾繆二十卷

五代史纂誤五卷雜錄一卷

直齋書錄解題字文時中守吳興以郡庠有二史板遂取吳氏二書刻之後皆取入國子監初郡人思溪王氏刻藏經有餘板以刊二史實郡庠中興監書多闕遂取其板以往今監本是也

大宋登科記不分卷

直齋書錄解題大宋登科記三十二卷洪适編始吳興郡學有鐫板不分卷第止述進士一科适始廣之

大藏經五千四百八十卷

紹興二年

大宋國兩浙路湖州歸安縣松亭鄉思村居住左武大夫密州觀察使致仕王永從同妻恭人嚴氏弟忠翊郎永錫妻顧氏姪武功郎冲允妻卜氏從義郎冲彥妻陳氏男迪功郎冲元妻莫氏保義郎冲和妻呂氏與家眷恭為今上皇帝聖

躬萬歲利樂法界一切有情謹發誠心捐捨家財開鏤大藏
經板總伍伯伍拾函永遠印造流通 紹興二年四月日題
雕經作頭李孜李敏 印經作頭密榮 掌經沙門法己
對經沙門仲謙行堅 幹雕經沙門法相 對經慈覺大師
靜仁慧覺大師道融賜紫修敏 都對證湖州覺悟教院住
持傳天台祖教真悟大師宗鑑 勸緣平江府大慈院住持管
內掌法傳天台教說法大師淨梵 勸緣住持圓覺禪院傳
法沙門懷深

日本南禪寺藏長
阿含經卷廿二首

大宋國兩浙道湖州歸安縣松亭鄉思溪居住左武大夫密
州觀察使致仕王永從同妻恭人嚴氏弟忠翊郎永錫妻顧
氏姪武功郎冲允妻卜氏從義郎冲彥妻陳氏男迪功郎冲
元妻莫氏保義郎冲和妻呂氏并家眷等捐捨家財命工開
鏤大藏經伍伯伍拾函永遠印造流通所鳩福利恭為 今